

حریدہ علمیہ

مشیتِ چلیماہِ اسلامیہ نمکِ حریدہ، رسمِ سیدر

جمادی الاولیٰ ۱۲۳۳

عسدو: ۱۶

آیدہ بر نشر النور

ایکمنجی سنہ

اری قواننده مجتمع اولان عمل اخراج مراد اولند قده قوانده اولان آرولر قتل اولند قده تماماً اخراج اولنموب اول حالده آرولر طشره چقارلسه اذیتی محقق اولمغه آرو قوانلری اتخاذ ایدن کمنه لر عملی چقارمغه مباشرت ایتدکلرند قوانلرک اغزلری قادیوب تقلیب ایتمکه آرولر عمل ایچنده هلاک اولسه لر اول کمنه لر آثم اولورلری الجواب : اولمازلر.



قوانین و تقاضات

« محاکم شرعیه ده اجرای وکالت ایده یله جکر حقنده قانون »

[جریده رسمیة محکومت اولان تقویم وقایع ایله نشر واعلانی : ۲۰ ربیع الآخر ۱۳۳۳ ۲۲ شباط ۱۳۳۰ نومرو ۲۱۰۴]

ماده : ۱ محاکم شرعیه ده اجرای وکالت مدرسه القضاة ویا دارالفنون عثمانی حقوق شعبه سی مآذونلریله لا اقل بش سه مدت بالفعل قاضیلکده ویا مفتیلکده بولنوب اهلیت وکفایت مجربهلریله حسن خدمتلیرینه بناءً یدلرینه مقام مشیختدن وثیقه مآذونیت اعطاسی تنسیب اولتان ذواته منحصردر . انجق دارالفنون حقوق شعبه سنجه علی الاصول امتحانی اجرا ایدیلرک دعوی وکالتی شهادتنامه سنی حائر وبالفعل ایفای وکالتله مشغول اولانلر مدرسه القضاة درس بروغرامندن قوانینه عائد دروس مستثنا اولمق اوزره دیکر درسلردن مدرسه مذکورده معلملرندن مقام مشیختجه انتخاب اولنه جق ذواتدن مرکب هیئت حضورنده بالامتحان اثبات اهلیت ایتدکلری تقدیرده اجرای وکالت ایده یلورلر . اسبو اهلیتی حائر اولیانلر محاکم شرعیه ده اجرای وکالتدن ممنوعدر شو قدرکه اهلیت مشروحه یی حائر اولانلردن ولایت مرکز لرنده یدی لوا مرکز لرنده بش قضا مرکز لرنده اوج ذات بولندینی ویا دعوانک وکالت ایده جک کیمسه لرک زوجه لری ایله اولادینه ویا اصلاً و صهراً آبا واجداد وامهات وجدات وبونلرک اولادلرینه تعلقی حالده ممنوعیت واقعه مرتفعدر .

ماده : ۲ اسبو قانون تاریخ نشرندن اعتباراً معتبردر .

ماده : ٣ اشبو قانونك اجراسنه شيخ الاسلام مأموردر .
 مجلس اعيان ومبعوثانجه قبول اولنان اشبو لايحه نك قانونيتي وقوانين دولته علاوه سنى
 اراده ايلدم . ١٥ ربيع الاخر ١٣٣٣ ١٧ شباط ١٣٣٠

محمد رشاد

شيخ الاسلام صدر اعظم
 خيرى محمد سعيد

*
 * *

« ممالك عثمانيه ده اجنبيلرك حقوق و وظائفه دائر قانون موقت صورتيدر »
 [جريدة رسميه حكومت اولان تقويم وقايع ايله نشر واعلانى : ٢٧ ربيع الاخر ١٣٣٣ ١ مارت ١٣٣١ نومرو ٢٠١١]

ماده : ١ ممالك عثمانيه ده بولنان اجنبيلر قانون اساسى ايله قوانين سائر نك
 عثمانيلره بخش ايتديكى حقوق سياسيه وبلديه دن استفاده ايدم مزملر ايسه ده قوانين و
 نظامات دولت عليه ايله تبعه عثمانيه حصرايدلمان حقوق خصوصيه دن مستفيد اولورلر .
 ماده : ٢ امنيت وآسايش مملكته تعلق ايدن كافه قوانين ونظامات دولت عليه
 ممالك عثمانيه ده بولنان بالجمله اجانب حقه ده دخى مرعيدر .

ماده : ٣ مواد حقوقيه وتجاريه ده اجنبيلر محاكم عثمانيه نك كافه انواع ودرجاتنه
 مراجعت وتبعه عثمانيه كى حقلرني دعوى ومدافعه ايدم بياورلر انجق ممالك عثمانيه ده
 مقدار كافى املاك صاحبي اوليان تبعه اجنبيه طرفدن عثمانيلر عليه مدعى صفتيله اقامه
 اولنه جق ويا دخول فى الدعوى طريقه مشاركت ايديله جك دعاوينك رؤيت ايديله بيلمسى
 ايجون اول امرده دعوى مصارفه ضرر وزيانه مقابل محكمه جه تنسيب ايديله جك
 مقدارده تأمينات آچمسى ويا كفالات اعطا اولمسى مجبوريدر شو قدركه معامله متقابله
 شرطيله بوجبوريت مرتفع اوله بيلير .

ماده : ٤ تبعه اجنبيه متعلق واموال غير منقوليه عائد بالجمله دعاوى ايله مواد
 سائر حقوقيه وتجاريه و جزائيه دعوالرى تبعه عثمانيه علاقه دار اولمسه دخى محاكم
 دولت عليه ده قوانين ونظامات واصول عثمانيه توفيتاً رؤيت اولور . شو قدركه غير
 مسلم تبعه اجنبيه متعلق اولوبده عقد وفسخ نكاح و تفريق ابدان وابوت ونسب
 وتبني كى حقوق عائليه ورشد ومأذونيت وحجر ووصايت كى اهليه واموال منقوليه
 عائد وصيت وتركه لره متعلق بولنان دعوالرك محاكم عثمانيه ده رؤيت ايديله بيلمسى طرفينك

بالرضا مراجعتہ ویا تبعہ عثمانیہ نك علاقہ دار بولمسنہ ویا خود محاکم عثمانیہ دہ در دست رؤیت دعاوی یہ متفرع اولسنہ متوقفدر . وبوصورتہ انتظام عامہ دولہ مغایر اولماق شرطیلہ علاقہ دارانك حكومت متبوعہ لری قوانینہ و اختلاف قوانین حائده حقوق خصوصیہ دول قواعدینہ توفیقاً معاملہ اولنور .

ماده : ۵ قوانین موضوعہ یہ توفیقاً تبعہ عثمانیہ یہ طرح واستیفا اولنان رسوم وتكاليفه تبہ اجنیه دخی عین شرائط ودرجہ دہ تابعدرلر .

ماده مرقه : اشبو قانونك تاريخ نشرندہ ممالك عثمانیہ دہ دعوی وكالتي وطبابت واجزاجيلق ومهندسلک ومعلمک مسلک وصنعتلریلہ اشتغال ومکتب کشاد وغزته و مجموعہ نشر ایلان اجنیلرک حقوق مکتسبہ سی قوانین ونظامات دولہ اتباع شرطیلہ محفوظدر .

ماده : ۶ اشبو قانون تاريخ نشرندن معتبر واجراسنه هیئت وكلا مأموردر . مجلس عمومینك انعقادندہ قانونیتی تكلیف ایدلك اوزره اشبو لایحه قانونیه نك موقتاً موقع مرعیتہ وضعی وقوانین دولته علاوہ سنی اراده ایلدم .

۲۱ ربیع الاخر ۱۳۳۳ و ۲۳ شباط ۱۳۳۰

محمد رشاد

حربیہ ناظری وبجربہ ناظری وکیلی شیخ الاسلام و اوقاف حایون ناظری صدراعظم وخارجیه ناظری
انور خیری محمد سعید

داخلیه ناظری ومالیہ ناظر وکیلی عدلیہ ناظری وشورای دولت رئیس وکیلی نافعہ ناظری
طلعت ابراهیم عباس

معارف ناظری وبوستہ وتلغراف وتلفون ناظر وکیلی تجارت وزراعت ناظری
احمد شکری احمد نسیمی

*
* *

« عائد اولدینی اقسامی صنوف مختلفه تعلیمنامہ لریته ذیل ایدیلہ جك مواد نظامیه صورتیدر »

[حكومتك جریده رسیمیه سی اولان تقویم وقاییم ایلہ نشر واعلانی : ۲۴ ربیع الاول ۱۳۳۳ ۲۷ کانون ثانی ۱۳۳۰]

ماده : ۱ رکاب شاهانہ دہ بولندینی زمان دخی وکلای فخام ورجال دولت علیہ عثمانیه ایلہ سائر کافہ مأمورین ومنسویین ملکیه وعسکریه وبالعموم ارکان وامراوضابطان وافراد سنجانہ رسم تعظیم ایفا ایدہ جکلردر .

ماده : ٢ اشبو نظامنامه نك اجراسنه هيئت وكلا مأموردر .
اشبو لايحه نظاميه نك موقع مرعيته وضعي ونظامات دولته علاوه سني اراده ايلرم .
٢١ ربيع الاول ١٣٣٣ ٢٤ كانون ثاني ١٣٣٠

محمد رشاد

حريه ناظري و بحريه ناظري و كيلي شيخ الاسلام و قاف هايون ناظري صدراعظم و خارجيه ناظري
انور خيري محمد سعيد

نافعه ناظري عدليه ناظري و شوراي دولت رئيس و كيلي داخله ناظري و ماليه ناظر و كيلي
عاس ابراهيم طلعت

تجارت و زراعت ناظري معارف ناظري و پوسته و تلغراف و تلفون ناظر و كيلي
احمد نسيبي احمد شكري

*
**

برنجي تأجيل ديون قانوني

[حكومتك جريده رسميه سي اولان تقوم وقايع ايله نشر واعلاي : ٢٢ صفر ١٣٣٣
و ٢٧ كانون اول ١٣٣٠ نومرو ٢٠٤٨]

ماده : ١ بانقه لرده كي وعده لي و وعده سز مود و عاتده داخل اولديني حالده
بالعموم ديون و تعهداتك وعده لري اشبو قانونك تاريخ نشرن دن اعتباراً برآي مدت
تأجيل اولنمشدر .

ماده : ٢ اشبو قانون تاريخ نشرن دن اعتباراً مرعي الاجرادر .

ماده : ٣ اشبو قانونك اجراسنه عدليه و ماليه ناظر لري مأموردر .

[١٠ رمضان ١٣٣٢ و ٢٠ تموز ١٣٣٠ تاريخنده حكومتجه تنظيم و موقتاً موقع
تطبيقه وضع اولنان اشبو لايحه قانونيه ٢٠ كانون اول ١٣٣٠ تاريخنده مجلس عموميجه
عيناً قبول اولنمشدر .]

مجلس اعيان و مبعوثانجه قبول اولنان اشبو لايحه نك قانونيتني و قوانين دولته علاوه سني
اراده ايلدم .

١٧ صفر ١٣٣٣ ٢٢ كانون اول ١٣٣٠

محمد رشاد

صدراعظم
محمد سعيد

ماليه ناظر و كيلي
طلعت

عدليه ناظري
ابراهيم

*
**

ایکنجی تأجیل دیون قانونی

[تقویم وقایع ایله نشر واعلائی : ۲۲ صفر ۱۳۳۳ و ۲۷ کانون اول ۱۳۳۰ نومبر ۲۰۴۸]

ماده : ۱ تأجیل دیون قانوننک نشر واعلان ایدلیدیکی ۲۱ تموز ۱۳۳۰ تاریخنده واجب الایفا اولان و تاریخ مزبوردن ۲۰ اغتوس ۳۳۰ تاریخنه قدر وعده لری حلول ایدن بالعموم دیون و تعهدات تقدیه ایله بانقه لرده کی مودوعات ۲۱ اغتوس ۱۳۳۰ تاریخندن اعتباراً ۲۰ ایلول ۱۳۳۰ تاریخنه قدر تأجیل ایدلمشدر انجق واجب الایفا دیون اصحابی نهایت ۳۱ اغتوس ۱۳۳۰ تاریخنه قدر علی الحساب صورتیه دینلرینک یوزده بشی تسویه مجبوردرلر .

ماده : ۲ ۲۱ اغتوس ۱۳۳۰ تاریخندن اعتباراً ۲۰ ایلول ۱۳۳۰ تاریخنه قدر وعده لری حلول ایدمک اولان دیونک یوزده بشی تسویه ایدلمک و یوزده طقسان بشی بر آی مدته تأجیل اولنه جقدر .

ماده : ۳ تأجیل دیون قانوننک تاریخ نشر و اعلانندن اعتباراً وقوع اولان تأدیات بر منوال محرر علی الحساب صورتیه اجرا ایدلمک یوزده بشی تأدیاتدن تنزیل ایدلمک جقدر .

شو قدرکه آنویم شرکت صورتنده متشکل بانقه لرده مطلوباتی اولانلر اولجه نه مقدار آلمش اولورلرسه اولسونلر و مطلوبلرینک یوزده بشی اون لیرادن نقصان اولسه دخی طلب ایتدکلری تقدیرده بانقه لر کندیلرینه لاقلا اون عثمانلی لیراسی تأدیه ایتمک مجبوردرلر .

ماده : ۴ ۲۰ تموز ۱۳۳۰ تاریخلی قانوننک نشر واعلانندن اولداین ایله مدیون آره سنده مشروط و مقرر اولان مقدار فائض تأجیل دیون مدتی ظرفده قطعاً تزید ایدلمک جقدر . فائض اعطاسی مشروط و مقرر اولیان دیونه کلنجه بانقه لرده کی مودوعات ایچون یوزده درت و سائر دیون ایچون یوزده یدی فائض ایشلمک جقدر . اشبو فائضلر دینک حلول وعده سندن اعتباراً ایشلمک باشلایه جق وداینک طلبی اوزرینه واجب التأدیه اولان دیون ایچونده طلب تاریخندن ایشلمک جقدر .

ماده : ۵ سندات واوراق تجاریه عائد پروتستولر سندات واوراق مذکورده نک اشبو قانونه نظراً واجب الایفا اولدقلری کوندن اعتباراً سکر کون ظرفده اجرا ایدلمک جقدر .

ماده : ٦ متأجر لر وعده سی حلول ایدن بدلات ایجاریه نك یوزده یکر می بشنی تأدیه به مجبوردر لر .

ماده : ٧ تأجیل دیون مطلوبات امیری به شامل دکلدر .

ماده : ٨ بالاده بیان ایدیلن احکام اشبو قانونك نشر و اعلانندن اعتباراً عقد ایدیه جك دیون و مقاولات و تعهدات حقده مرعی الاجرا اولیه جقدر .

ماده : ٩ اشبو قانون ٢١ اغستوس ١٣٣٠ تاریخندن معتبردر .

ماده : ١٠ اشبو قانونك اجرای احکامه عدلیه و مالیه ناظرلری مأمورددر .
[قوه اجرائیه جه ٩ شوال ١٣٣٢ و ١٨ اغستوس ١٣٣٠ تاریخنده تنظیم و موقتاً موقع تطبیقه وضع اولنان اشبو لایحه قانونیه ٢٠ کانون اول ١٣٣٠ تاریخنده مجلس عمومیه عیناً قبول ایدلشدر .]

مجلس اعیان و مبعوثانجه قبول اولنان اشبو لایحه نك قانونیتی و قوانین دولته علاوه سنی اراده ایلدم .

١٧ صفر ١٣٣٢ ٢٢ کانون اول ١٣٣٠

محمد رشاد

صدر اعظم	مالیه ناظر و کبلی	عدلیه ناظری
محمد سعید	طلعت	ابراهیم

*
**

اوجنجهی تأجیل دیون قانونی

(تقریم و قایع ایله نشر واعلانی : ٢٢ صفر ١٣٣٣ ٢٧ کانون اول ١٣٣٠ نومرو ٢٠٤٨)

ماده : ١ ایلک تأجیل دیون قانونك نشر واعلان ایدلدیکی ٢١ تموز ١٣٣٠ تاریخنده واجب الایفا اولان وتاریخ مزبوردرن ٢٠ اغستوس ١٣٣٠ تاریخنده قدر وعده لری حلول ایدوب ١٨ اغستوس ١٣٣٠ تاریخلی قانون ایله ٢٠ ایلول ١٣٣٠ تاریخنده قدر تأجیل ایدلش اولان بالعموم دیون و تعهدات نقدیه ایله باقیه لرده کی مودوعات ٢١ ایلول ١٣٣٠ تاریخنده اعتباراً اوج آی تأجیل ایدلشدر .

انجق واجب الایفا دیون اصحابی ١٨ اغستوس ١٣٣٠ تاریخلی قانونك برنجی ماده ی موجبجه علی الحساب تسویه سنه مجبور اولوبده هنوز تأدیه ایتماش اولدقلری یوزده بشدن

ماعداء على الحساب يوزده اون تأديه ايتمه مجبوردرلر . بويوزده اونك بر نصفى ۲۱ ايلول ۱۳۳۰ تاريخندن ونصف ديكریده ۱ تشرين ثانى ۱۳۳۰ تاريخندن اعتباراً واجب الايفاد .

ماده : ۲ ۲۰ تموز ۱۳۳۰ تاريخلى قانونك نشر و اعلانندن اعتباراً وقوعبولان تأديات بر منوال محرر على الحساب صورتيله تأديه ايديله جك يوزده بشدن تنزيل اولنه جقدر . شو قدر كه آنويم شركت صورتده متشكل بائقهلردن مطلوباتى اولانلر اولجه نه مقدار آلمش اولورلر سه اولسونلر و مطلوبلرينك يوزده بشى اون ليرادن نقصان اولسه دخی بائقهلر كنديلرينه ۲۱ ايلول ۱۳۳۰ تاريخندن اعتباراً ۱۰ و ۱ تشرين ثانى ۱۳۳۰ تاريخندن اعتباراً كذلك اون عثمانلى ليراسى تأديه ايتمه مجبوردرلر .

ماده : ۳ ۲۱ اغستوس ۱۳۳۰ تاريخندن ۲۰ ايلول ۱۳۳۰ تاريخنه قدر وعده لرى حلول ايدوب ۱۸ اغستوس ۱۳۳۰ تاريخلى قانون ايله بر آى تأجيل ايدلمش اولان ديونده ۲۱ كانون اول ۱۳۳۰ تاريخنه قدر تأجيل اولنمشدر شو قدر كه مديونلر ۱۸ اغستوس ۱۳۳۰ تاريخلى قانون ايله تأديه به مجبور اولدقلى يوزده بشدن ماعدا بورجلرينك وعده لرى حلول ايتمش اولدينى تاريخندن بر آى صكره بر ايكنجى يوزده بش و ابكى آى صكره بر اوچنجى يوزده بش تأديه سنه مجبوردرلر .

ماده : ۴ اشبو قانونك تاريخ مرعيتندن اعتباراً برنجى آى ظرفده وعده لرى حلول ايدمه جك اولان ديونك يوزده بشى حلول وعده ده ويوزده بشى وعده نك حلولندن بر آى صكره واجب التأديه اوله جق و باقىسى ۲۱ كانون اول ۱۳۳۰ تاريخنه قدر تأجيل ايديله جقدر .

اشبو قانونك تاريخ مرعيتندن ايكنجى آى ظرفده وعده لرى حلول ايدمه جك اولان ديونك يوزده بشى حلول وعده ده ويوزده بشى وعده نك حلولندن بر آى صكره واجب التأديه اوله جق و باقىسى ۲۱ كانون اول ۱۳۳۰ تاريخنه قدر تأجيل ايديله جقدر . اشبو قانونك تاريخ مرعيتندن اعتباراً اوچنجى آى ظرفده وعده لرى حلول ايدمه جك اولان ديونك يوزده بشى حلول وعده لرنده واجب التأديه اوله جق و باقىسى ۲۱ كانون اول ۱۳۳۰ تاريخنه قدر تأجيل ايديله جقدر .

ماده : ۵ ۱۸ اغستوس ۱۳۳۰ تاريخلى قانونك فائضه دائر اولان دردنجى ماده سنك حكمى باقيدر .

ماده : ۶ سندات و اوراق تجاریه به عاقد پروتستور سندات و اوراق مذکورہ مک تأجیل دیون قانونرینه نظراً واجب الایفا اولدقلری کوندن اعتباراً سکر کون ظرفده اجرا ایدیله جک فقط اشبو تأجیل دیون قانوننده تعیین ایدلمش اولان مدتک ختامندن اعتباراً اون بش کون مرور ایتدکجه مدیونک افلاسی جهته کیدلیه جکدر . حققرنده بردفعه پروتستو کشیده ایدیلان سندات ایچون تکرار پروتستو معامله سی یاپلیه جکدر .

اره : ۷ تأجیل دیون مطلوبات امیریه به شامل دکدر .

ماده : ۸ خزینیه رسوم و تکالیف دن دینلری اولوبده بانقه لرده مودوعاتلری بولانلرک طوغریدن طوغری به خزینیه مأمورلری نامنه ویره جکلری چکلرک بدلنی بانقه لر تماماً واصحاب مودوعاته ویرمهک مجبور اولدقلری مبلغدن محسوب ایتکسزین تسویه به مجبوردرلر .

اوقاف و ایتم مودوعاتی ده تأجیل دیونه تابع دکدر .

اره : ۹ بدلات ایجاریه مک هرآیه اصابت ایدن قسمنک یوزده الیسی واجب الیفا در . ۱۸ اغستوس ۱۳۳۰ تاریخی قانون موجبجه وقوعبولان بدلات ایجاریه تأدیاتی محسوب ایدیله جکدر .

ماده : ۱۰ اشبو قانونک احکامی ۱۸ اغستوس ۱۳۳۰ تاریخی قانونک نشر و اعلانندن اعتباراً عقد ایدیلن دیون و مقاولات و تعهدات حقنده مرعی الاجرا اولیه جکدر .

ماده : ۱۱ اشبو قانون ۲۱ ایلول ۱۳۳۰ تاریخندن معتبردر .

ماده : ۱۲ اشبو قانونک اجرای احکامنه عدلیه و مالیه ناظرلری مأموردر .
[قوه اجرائیه جه ۱۰ ذی القعده ۱۳۳۲ و ۱۸ ایلول ۱۳۳۰ تاریخنده تنظیم و موقتاً موقع تطیقه وضع اولنان اشبو قانون لایحه سی ۲۰ کانون اول ۱۳۳۰ تاریخنده مجلس عمومیه عیناً قبول ایدلشد .]

مجلس اعیان و مبعوثانجه قبول اولنان اشبو لایحه مک قانونیتنی و قوانین دولته علاوه سی اراده ایلدم . ۱۷ صفر ۱۳۳۳ ۲۲ کانون اول ۱۳۳۰

محمد رشاد

صدراعظم
محمد سعید

مالیه ناظر وکیل
طلعت

عدلیه ناظر
ابراهیم

تأجيل ديونك تکرار تمديدی حقنده قانون

« دردنجی تأجيل ديون قانونی »

[تقويم وقایع ایله نشر واعلائی : ۱۸ صفر ۱۳۳۳ ۲۳ کانون اول ۱۳۳۰ نومبر ۲۰۴۴]

ماده : ۱ ۲۱ تموز ۱۳۳۰ ۱۸ اغستوس ۱۳۳۰ ۱۸ ایلول ۱۳۳۰ تاریخلی قانون موقتلر ایله تأجيل ایدلمش اولان بالجه دیون و تعهدات تقدیه ایله بانکهلرده کی مودوعات ۳۱ مارت ۱۳۳۱ تاریخه قدر تکرار تأجيل ایدلمشدر. آنجق مديونلر بوقانونلرموجبجه تأديه سنه مجبور بولندقلری مقدارلردن ماعدا علی الحساب صورتيله ۲۱ کانون اول ۱۳۳۰ تاریخده یوزده بش و ۱ شباط ۱۳۳۰ تاریخده دخی یوزده بش دها تأديه به مجبوردر .

ماده : ۲ اشبو قانونک تاریخ مرعیتدن اعتباراً برنجی و ایکنجی آیلر ظرفده وعدهلری حلول ایدمک اولان ديونک یوزده بشی حلول وعدهده و دیگر یوزده بشی برآی صکره واجب التأديه اوله جق و باقیسی ۳۱ مارت ۱۳۳۱ تاریخه قدر تأجيل اولنه جقدر. اوچنجی آی ایله آنی تعقیب ایدن کونلر ظرفده وعدهلری حلول ایدمک اولان ديونک یوزده بشی حلول وعدهده تأديه اوله جق و متباقیسی ۳۱ مارت ۱۳۳۱ تاریخه قدر تأجيل ایديله جقدر .

ماده : ۳ ۲۱ تموز ۱۳۳۰ تاریخندن اعتباراً تأجيل ایدیلن ديونه قارشو وقوع بولان تأديات اشبو قانونلر موجبجه واجب التأديه مقادیره محسوب ایديله جقدر. شوقدرکه آنونیم شرکتی صورتنده متشکل بانکهلردن مطلوباتی اولنلر اولجه نه مقدار آلمش اولورلر سه اولسونلر و مطلوبلرینک یوزده بشی اون لیرادن نقصان اولسه دخی بانکهلر کندیلرینه ۲۱ کانون اول ۱۳۳۰ تاریخده اون و ۱ شباط ۱۳۳۰ تاریخده کذلک اون عثمانلی لیراسنی تأديه ایتمه مجبوردرلر .

ماده : ۴ داینله مديون آرمسند مشروط اولان مقدار فائضک ۱۸ تموز ۱۳۳۰ تاریخندن صکره تزیددی معتبردکدر فائض اعطاسی مشروط اولمیان بانکهلرده کی مودوعات ایچون یوزده درت و ديون سائر ایچونده یوزده یدی فائض ایشليه جقدر. اشبو فائضلر وعدهلی ديون ایچون حلول وعدهده سنز ديون ایچون طلب تحریری تاریخندن اعتباراً ایشلمکه باشلايه جقدر. فائضلر قطع حساب صورتيله آلتی آی مرورندن اول رأس المال ضمه اولنه ميه جقدر .

ماده : ٥ اشبو قانونلر موجدنجه واجب الايفا اولان بمقدار ديون ايچون محكمه لر ١٥ نيسان ١٣٣١ تاريخنه قدر افلاسه حكم ايتمكدن ممنوع اولوب اشبو مقدارلر عادياً دعوى و تحصيل اولنورلر و بونلردن دولايي واقع اوله جق حجز مقادير معجله يه مقصور اوله جقدر. آنجق مديونك داخي اضراراً مالني الدن چيقارمغه تصدى ايتديكنه محكمه جه قناعت حاصل اولديني تقديرده حجز مجموع دينه تشميل ايديله بيلور. آله جق موقع اجراده اولان براعلامه مستبد اولديني جالده محكمه جه بلا كفالت و بلا خرج وضع حجز اولنور و تصديق حجز دعواسنه لزوم يوقدر وعده لري ٣١ مارت ١٣٣١ تاريخنه تأجيل ايدلمش اولان سندات تجاريه نك متباقي مقداري ايچونده پروتست و مدت ١٥ نيسان ١٣٣٠ تاريخندن باشلايه جقدر .

ماده : ٦ بالجمله مطلوبات اميريه ايله اداره خصوصيه ولاياتك و دونمء هلال احمر، مدافعه مليه جمعيتلري و بلديه لرك و زراعت بانقه سنك مطلوبات و مودوعاتي و اوقاف و ايتام مودوعاتي و مهر و نفقه دن متولد مطلوبات تأجيل ديونه تابع دكلدر.

ماده : ٧ خزينه حكومه هرنه صورتله اولور ايسه اولسون دينلري اولوب ده بانقه لره مودوعاتي بولنانلرك طوغريدن طوغري يه مأمورين عائدسي ناننه ويره جكلري چكلرك بدلني بانقهلر اصحاب مودوعاته ويره مكه مجبور اولدقلري مقدار دن محسوب ايتمكسزين تماماً تسويه يه مجبوردرلر .

ماده : ٨ تأجيل ديون قانونلري موجدنجه ٢١ كانون اول ١٣٣٠ تاريخنه قدر تأجيل ايدلمش اولان اموال غير منقوله بدل ايجارلري ٣١ مارت ١٣٣١ تاريخنه قدر تأجيل ايدلمشدر. سكا ايچون استيجار اولنش اموال غير منقوله بدل ايجارلرينك يوزده اليسي واجب التأديه در. متباقيسي ٣١ مارت ١٣٣١ تاريخنه قدر تأجيل اولنشدر. سكاندن غيري اوله رق استيجار ايديلن اموال غير منقوله نك بدل ايجارلري تأجيله تابع دكلدر .

ماده : ٩ اشبو قانونك احكامي ٢١ تموز ١٣٣٠ تاريخندن صوكره منعقد ديون و مقاولات و تعهداته شامل دكلدر .

ماده : ١٠ اشبو قانون ٢١ كانون اول ١٣٣٠ تاريخندن معتبردر .

ماده : ١١ اشبو قانونك اجراسنه ماليه، عدليه، تجارت و زراعت ناظرلري مأموردر .

مجلس اعیان و مبعوثانجه قبول اولنان اشبو لایحه نك قانونیتنی و قوانین دولته علاوه سنی
 اراده ایلدم . ۱۶ صفر ۱۳۳۳ ۲۱ کانون اول ۱۳۳۰

محمد رشاد

تجارت و زراعت ناظری عدلیه ناظری مالیه ناظر و کیلی صدراعظم
 احمد نسیمی ابراهیم طلعت محمد سعید

* *
 « بالعموم محاکم شرعیه نك صورت تفتیشه دائر نظامنامه صورتیدر »

ماده : ۱ در سعادت و بلاد ثلثه ایله مراکز ولایات و الویه غیر ملحقه محاکم
 شرعیه سی معاملاتنك تفتیشی ایچون مأموریتلری عهده لرنده قالمق اوزره فتوی امانتی
 معاونلریله مجلس تدقیقات شرعیه اعضاسی میانندن و اعلامات شرعیه دائره مندن و مراکز
 ولایات قاضیلریله صفات لازمه بی جامع سائر ذواتدن مناسبلری مقام مشیختجه تعین
 اولتور .

ماده : ۲ الویه ملحقه محاکم شرعیه سی معاملاتنی مراکز ولایات و قضا محاکم
 شرعیه سی معاملاتنی الویه قاضیلرندن مقام مشیختجه تنسیب اولنه جق ذوات معرفیه و نواحی
 محاکم شرعیه سی منسوب اولدقلری قضاء طرفندن تفتیش اولتور . وظائف تفتیشه مقام
 مشیختجه تنسیب اولنه جق زمانلرده ایفا قلدور .

ماده : ۳ مأمورین و رؤسای محلیه مفتشلك و وظائف تفتیشه سنی تسهیل ایچون
 هر درلو معاوتی ایفا و ویریه جك مذکرلر احکامنی انفاذ ایده جکلردر .

وظائف تفتیشه

ماده : ۴ تفتیشه مأمور اولانلر قضاتك احوالیله مفتیلر و ایتم مدیرلری و نواحی
 نوابی و سائر بالجله مأمورین شرعیه نك اوصاف مطلوبه بی حائز اولوب اولماقلرینی تحقیق
 و درجه مساعیلری اکللا شلمق اوزره بر سنه ظرفنده نه قدر دعوی رؤیت و نه قدر
 ترکه تحریر و دفتر قسام و ورائق شرعیه تنظیم و اعطا ایدلمش اولدیغنی و ضوابط و سجلات
 و سائر دفاتر و قیودات و اوراقی تدقیق و محاکمات و معاملات جاریه اصول محاکمات شرعیه
 حقنده نشر اولنان مواد نظامیه و بلا بینه مضمونیه عمل جائز اولان سندات شرعیه نك
 تنظیمی حقنده کی تعلیمات سنیه موافق اولوب اولدیغنی و ایتم اداره سی معاملاتنك صندوق
 موجودلرینی تعداد و اجرای تحقیقات ایله مجبور مطلوبده جریان ایدوب ایتمدیکنی تدقیق

والحاصل معاملات عمومیه ده التزام سرعت و سلامت و انتظامه رعایت و ضوابط و سجلاتك حسن محافظه منه اعتنا و دقت ایدیلوب ایدلدیكنی تفتیش ایدم جكلردر .

ماده : ٥ مفتشلر نتیجه تفتیشاتی فذلکه تفتیشه ورقه سنك ستون مخصوصه املا و مطالعه لرینی اسباب موجب سیله موضحاً تحریر و تختم و طوغریدن طوغری به مقام مشیخته تقدیم ایتمکه مکلفدرلر .

ماده : ٦ انشای تفتیشه تین ایدمك احواله کورم مفتشلر احکام شرعیه و قانونیه نك حسن جریان و تطبیق امرنده هر درلو اخطارات و وصایاده بولنه جقلر و حسب - الایجاب قضاتدن ماعداً مأمورین شرعیه به ایشدن ال چکدیره رك دیگر لرینك تعینی ایچون محللری قاضیلرینه تبلیغات اجرا ایدم بیله جكلردر .

ماده : ٧ مفتشلر حرکترلرندن عودت لرینه قدر مرور ایدن ایامك قاچ کوتی سیر و سفرله و قاچ کوتی تفتیش ایله امرار ایتمش اولدقلرینی مقام مشیخته اشعار و بیانیه مجبوردرلر .

ماده : ٨ مفتشلر وظائف تفتیشه لرندن طولایی مقام مشیخته قارشو مسؤلدرلر .

ماده : ٩ اشبو نظامنامه تاریخ نشرندن اعتباراً مرعی و معتبردر .

ماده : ١٠ اشبو نظامنامه نك اجرای احکامه مقام مشیخت مأموردر .

اشبو لایحه نظامیه نك موقع مرعیه وضعی و نظامات دولته علاوه سنی اراده ایلدم .

٢٠ جمادی الاول ١٣٣٣ ٢٣ مارت ١٣٣١

محمد رشاد

حربییه ناظری و بحرییه ناظری و کیلی شیخ الاسلام و اوقاف هایون ناظری صدر اعظم و خارجیه ناظری

محمد سعید

خبری

انور

نافعه ناظری عدلیه ناظری و شورای دولت رئیس و کیلی داخلیه ناظری و مالییه ناظر و کیلی

طلعت

ابراهیم

عباس

تجارت و زراعت ناظری معارف ناظری و پوسته و تلغراف و تلفون ناظر و کیلی

احمدشکری

احمد نسیمی